

JAMHUURIYADDA SOMALILAND

GOLAH AASAASKA



Meerka Asaaska Komishanka Maamul Wanaaga

Xeer Lr.58/2012

REPUBLIC OF



SOMALILAND

THE PRESIDENT

REF:

JSL/M/XERM/249-1581/022013

DATE

03/02/13

XEER MÁDAXWEYNE Lr: 0301/022013

**Dhaqan-galka Xeerka Komishanka Maamul-Wanaaga
Xeer Lr. 58/2012**

Madaxweynaha Jamhuuriyadda Somaliland

Markuu Arkay: Qodobka 90aad ee Dastuurka Jamhuuriyadda Somaliland;

Markuu Arkay: Qodobka 75aad ee Dastuurka Jamhuuriyadda Somaliland;

Markuu Arkay: Go'aanka Golaha Wakiilada JSL, Go'aan Lr. GW/G/KF-20/585/2013
ee ku taariikhaysan 15/01/2013 ee ay ku ansixiyeen Xeerka
Hay'adda Komishanka Maamul Wanaaga Xeer Lr. 58/2012;

Wuxuu Soo Saaray

Dhaqan-galka Xeerka Komishanka Maamul-Wanaaga Xeer Lr. 58/2012 ee
Jamhuuriyadda Somaliland.

Allaa Mahad Leh,

Axmed Maxamed Silanyo
Madaxweynaha Jamhuuriyadda Somaliland



EL:12
RECEIVED
9th Feb 2013

Muktar
① Diinwegeleya
② Website - ic Gelleya
9.2.2013
Gelleya
Muktar
Muktar
Muktar



Ref: Gw/G/KF-20/585/2013

Date: 15/01/2013

Ujeedo: - Go'aanka Ansixinta Xeerka Komishanka Maamul-Wanaaga
Xeer Lr.58/2012

GOLAHA WAKIILADA JSL

- Markuu Arkey:** Qodobka 39^{aad}, 77^{aad} iyo Qodobka 113^{aad} ee Dastuurka Jamhuuriyada Soomaaliland.
- Markuu Darsay:** Xeerka Komishanka Maamul-Wanaaga ee ay soo gudbiyeen Golaha Wasiirada Jamhuuriyada Soomaaliland.
- Isagoo Ogsoon:** Ahmiyada ay leedahay in la abuuro hab-dhaqan maamul wanaagsan iyo ummad ka nadiif ah dhamaan noocyada musuqa, lana soo cesho karaamada iyo siyaadada (Integrity and Sovereignty of the State) si loo helo qaranimo taam ah iyo umad xalaal miirad ah.
- Markuu Tixgaliyey:** Taladii Golaha Guurtida iyo dhamaan daneeyayaasha kale ee uu khuseeyo xeerkani .
- Markuu Ku Qancey:** In baahi loo qabo abuurida Komishan madax banaan oo ka hortaga lana dagaalama musuq-masuqa iyo karti darada hay'adhaa dawlada, isla markaana kula xisaabtama toosinta maamulka oo horseed u noqda taaba-gelinta, iyo dib-u-habeynta nidaamka maamul wanaag. Isla markaana sahasha in si husan looga midho dhaliyo horu-marka iyo hiigsiga Qaranimadda Jamhuuriyada Soomaaliland ee ku cad Qorshaha Horumarinta Qaranka "National Development Plan".
- Markuu Aqoonsadey:** Danta iyo maslaxadda qaranka Jamhuuriyada Soomaaliland si loo gaadho in ay lagama maarmaan tahey in la helo komishan dejija heerka habximo ee laga rabo hay'ad kasta oo dawladda ka mid ah, kuna daba-gala fulitaankiisa.

MARKUU U CODEEYHEY:

Xeerka Komishanka Maamul-Wanaaga Xeer Lr. 58/2012 Kal-fadhigii 20^{ad} fadhigisii 10^{ad} taariikhduuna ku suntanayd 07/01/2013 oo ay goob joog ahaayeen (44) Mudanc oo ka mid ah Mudanayaasha Golaha Wakiilada.

WUXUU


Cod aqlabiyadd ah oo afartan iyo kaw mudane (41 cod) oo gacan taag ah ku Ansixiyay **Xeerka Komishanka Maamul-Wanaaga Xeer Lr. 58/2012**, halka **laba (2)** mudane ka aamuseen , cid diidaynā aanay jirin **Gudoomiyuhuna muu codayn** sida caaddada ah.

ALLAA MAHAD LEH

Efrisaq Siciid Ayaante
Xoghayaha Guud ee Golaha Wakiilada



Baashe Maxamed Faaxax
Kismaha Gudoomiyaha Golaha
Wakiilada ahna G/Xigeenka Iaad



GOLAHA WAKIILADA:

- Markuu Arkey:** **Qodobadda 53aad, 77aad iyo qodobka 113aad ee** Dastuurka Jamhuuriyada Soomaaliland.
- Markuu Arkey:** **Xeerka Komishanka Maamul-Wanaaga ee ay soo** gudbiyeen **Golaha Wasiirada JSL**
- Markuu Dersey:** Ahmiyada ay leedahay in la abuuro hab-dhaqan maamul wanaagsan iyo ummad ka nadiif ah dhamaan noocyada musuqa, lana soo cesho karaamada iyo siyaadada (integrity and s Sovereignty of the state) qaranimo iyo umad xalaal miirad ah.
- Markuu Tixgaliyey:** Talooyinkii Golaha Guurtida iyo dhamaan Talooyinkii kale ee daneeyayaasha uu khuseeyo xeerkani.
- Markuu Ku Qancay:** In baahi loo qabo abuurida Komishan madax banaan oo ka hortaga lana dagaalama musuq-maasuqa iyo karti darada hay'adaha dawlada, isla markaana kula xisaabtama toosinta maamulka kaas oo horseed u noqda toosinta, taaba-gelinta, iyo dib-u-habeynta maamul wanaaga, hufnaanta, banyaalnimada si looga midho dhasho horu-marka iyo hiigsiga Qaranka Jamhuuriyada Soomaaliland ee ku cad Qorshaha Horumarinta Qaranka "National Development Plan".
- Markuu Aqoonsadey:** Danta iyo maslaxada qaranka Jamhuuriyada Soomaaliland si loo gaadho in ay lagama maarmaan tahey in la helo komishan dejiya heerka habsimo ee laga rabo hay'ad kasta oo dawlada ka mid ah, kuna daba-gala fulitaankiisa.

Waxa Uu Soo Saarey:

Xeerka Aasaaska Komishanka Maamul-Wanaaga Xeer Lr:
58/2012

TUSMADDA XEERKA

| | |
|---|----------|
| QAYBTA KOWAAD: TILMAALMAHA GUUD..... | 8 |
| Qoddobka 1 ^{aad} : Erey Bixinta Xeerka | 8 |
| Qoddobka 2 ^{aad} Magac-dhawga Xeerka..... | 8 |
| Qoddobka 3 ^{aad} : Fasiraadda Xeerka | 8 |
| Fasiraadda Xeerka..... | 8 |
| Qoddobka 4 ^{aad} | 8 |
| Komiishanka Maamul Wanaaga | 8 |
| QAYBTA 2AAD: AWOODAHA IYO SHRUUDAHA KOMISHANKA | 9 |
| Qoddobka 5 ^{aad} : Shuruudaha Xubnaha Xafiiska Komiishanka..... | 9 |
| Qoddobka 6 ^{aad} :Shaqada iyo Waajibaadka | 9 |
| Qoddobka 7 ^{aad} : Magacaabista iyo Xilka qaadista Xubnaha Komishanka | 10 |
| Qoddobka 8 ^{aad} : Muddada Xilka Komishanka | 11 |
| Qoddobka 9 ^{aad} : Xarunta Komiishanka..... | 11 |
| Qoddobka 10^{aad} DHAARTA XUBNAHA KOMIISHANKA..... | 9 |
| Qoddobka 11 ^{aad} Bannaanaanshaha Xubnimada Komiishanka..... | 9 |
| Qoddobka 12 ^{aad} Warbixin Sanadeedka Komishanka..... | 9 |
| Qoddobka 13 ^{aad} <u>Xilka iyo Waajibaadka Guuddoomiyaha</u> | 9 |
| Qoddobka 14 ^{aad} Xilka iyo Waajibaadka Gudoomiye Ku Xigeenka | 10 |
| Qoddobka 15 ^{aad} Xilka iyo Waajibaadka Agaasimaha Guud | 10 |
| Qoddobka 16 ^{aad} Mushaharooyinka iyo Gunoooyinka | 10 |
| Qodobka 17aad:Baadhista, Xaqijinta iyo Warbixinaha la xidhiidha tibaaxaha maamul-xumada iyo wax-is-weydaarinta | 10 |

| | |
|--|----|
| Qodobka 18 ^{aad} | |
| Xeerka loo Adeegsanayo Dembiyada Musuqmaasuqa..... | 14 |
| Qodobka 19 ^{aad} | |
| Oogidda Dembiyada Musuqmaasuqa..... | 14 |
| Qodobka 20 ^{aad} | |
| Dhaqan-galka Xeerka | 14 |

QAYBTA KOWAAD
TILMAAMAH GUUD
Qoddobka 1^{aad}
Erey Bixinta Xeerka

Agaasimaha: Wuxuu loola jeeda Agaasimaha Guud ee Komiishanka Maamul-wanaaga Jamhuuriyadda Somaliland oo ah hay'adda uu xeerkani abuurayo;

Guddoomiyaha: wuxuu loola Jeedaa Guddoomiyaha Komiishanka Maamul Wanaaga;

Hanti-Dhawre: wuxuu loola jeedaa Hantidhawrka Guud ee Qaranka;

Komiishanka: wuxuu loola jeedaa xubnaha komiishanka Maamul-wanaaga masuulna ka ah dhamaan awoodaha uu xeerkani tilmaamayo;

Xeerka: Wuxuu loola Jeeda Xeerka Aasaaska Komishanka Maamul -wanaaga.

Qoddobka 2^{aad}
Magac-dhawga Xeerka

Xeerkani waxaa loogu yeedhayaa “**Xeerka asaaska Komiishanka Maamul Wanaaga Xeer Lr: 58/2012**”

Qoddobka 3^{aad}
Fasiraadda Xeerka

Wixii aanu Xeerkani si cad u qeelin, waxaa loo fasirayaa si waafaqsan shareecada diinta islaamka, Dastuurka dalka iyo xeerarka kale ee la xidhiidha xeerkani iyo hadii loo baahdo Xeerarka Caalamiga ah.

Qoddobka 4^{aad}
Komiishanka Maamul Wanaaga

Xeerkani waxa lagu aasaasay Komiishanka Maamul Wanaagga, oo leh shakhsiyad qanuniya (legal personality)

QAYBTA 2AAD
AWOODAHA IYO SHURUUDAHА KOMISHANKA

Qoddobka 5^{aad}
Shuruudaha Xubnaha Xafiiska Komiishanka

Qofka xubinta ka noqonaya Komiishanku:-

1. Waa inuu yahay muwaadin reer Soomaaliland ah.
2. Waa inuu muslim yahay, asluub wanaagsan bulshada ku dhex leeyahay.
3. Waa in Da'diisu aanay ka yaraan soddon (30) sanadood.
4. Waa inuu waxbarasho heer jaamacadeed haystaa, ama wax u dhigma.
5. Waa inuu lahaadaa waayo aragnimo Todoba (7) sanadood ah, oo la xidhiidha arimaha hogaamineed iyo mid maamulba.
6. Waa in aanu ku dhicin xukun Maxkamaddeed oo kama denbays ah oo lagu muteysan karo ciqaab gaadhaysa 3 sanadood 5-tii sano ee u danbeeyey.
7. Waa inuu ku sifoobay xilkas, Akhlaaq wanaag iyo Dhaqan toosan, yahayna shakhsi leh sifo Dhexdhexaadnimo, Karti, Hufnaan iyo Daacadnimo.

Qoddobka 6^{aad}
Shaqada iyo Waajibaadka

Shaqada iyo Waajibaadka Komishanka Maamul Wanaaga waa:

1. U madax bannaanaan yahay xil-gudashadiisa, waxaana reeban talaabo kasta oo lagaga leexinayo xil-gudashadiisa.
2. Dersidda iyo qiimeynta nidaamka maamul ee Hay'adaha Dawladda iyo ka soo talo bixinta habka lagu toosinayo.
3. Ku wacyi-gelinta nidaamka toosan Hay'adaha Dawladda.
4. Kormeeridda hab-sami-u-socodka maamulka.
5. Baadhista iyo dabagalka galDALOOLOOYINKA maamul.

6. Hubinta hirgelinta qorshe hawleedyadda Hay'adaha Dawladda.
7. Soo jeedinta barnaamijyada lagu horumarinayo maamul wanaagga
8. Baadhista ku takrifalka awoodda maamul.
9. Hubinta iyo dabagalka ku dhaqanka saacadaha shaqada, isagoo la kaashanaya Hay'adaha ay khusayso.
10. U gudbinta Hay'adaha sharciga wixii faldambiyeedda ee ka soo baxa baadhista.

Qoddobka 7^{aad}

Magacaabista iyo Xilka qaadista Xubnaha Komishanka

1. Komishanku waxa uu ka kooban yahay Shan (5) xubnood oo lagu soo xulay shuruudaha ku cad Qoddobka afraad (4^{aad}) ee Xeerkan.
2. Xubnaha Komiishanka waxa magacaabaya Madaxweynaha Jamhuuriyadda Somaliland waxana cod hal dheeriya ku ansixinaya Golaha Wakiilada
3. Xubnaha Komishanka waxaa xilka ka qaadi kara Madaxweynaha JSL.
4. Guddoomiyaha iyo ku-xigeenka guddoomiyaha xubnaha ayaa iska dhex dooranaya, waxaanay ku ansaxayaan cod hal dheer tirade xubnaha komishanka.
5. Komishanku waxa uu yeelanayaa Agaasime guud oo Madaxweynuhu magacaabo, xilkana ka qaadi karo, marku la tashado komishanka.
6. Komishanku waxa uu u shaqaalayn karaa shaqaale si waafaqsan nidaamka shaqaalaynta hay'adda shaqaalaha dawlada, marka uu guddomiyuhu u arko lagama maarmaan gudashada xilka komishanka. Waxa xilka lagaga qaadi karaa taloobo anshax marineed si waafaqsan xeerka shaqaalaha dawlada.
7. Komishanku wuxuu yeelan karaa guddi la'talineed markii loo baahdo oo tiradeeda iyo mudada ay shaqaynayaanba komishanku go'aaminayo.

Qoddobka 8^{aad}

Muddada Xilka Komishanka

1. Muddada Xilka Komishanka waa (4) Afar sano, oo ka billaabanyasa Maalinta Xilkaas loo dhaariyo.
2. Xubin ama xubno ka mida ah Komishankii hore, Madaxweynuhu Mar-labaad wuu magacaabi karaa isagoo ku Qiimeynaya Wax-qabadkiisa shaqo.

Qoddobka 9^{aad}

Xarunta Komiishanka

Komiishanka waxay xaruntiisu noqonaysaa Hargeisa, caasimada J.S.L, sidoo kale Komishanku waxa uu go'aansan karaa in uu gobolada kale ka furto xafiisyo, iyada oo ku xidhnaan doonta awoodooda dhaqaale iyo baaxadda hawleed.

Qoddobka 10^{aad}

Dhaarta Xubnaha Komiishanka

1. Madaxweynaha ayaa isugu yeedhaya xubnaha Komishanka, muddo 30 cisho gudahood ah marka Golaha Wakiiladu ansixiyo, fadhigooda ugu horeeyana waxaa si xubin-xubin ah ugu dhaarinaya xubnaha Komishanka Gudoomiyaha Maxkamada Sare.
2. Dhaarta xubnaha Komishanku waxa ay noqonaysaa; "***Waxaan ILAAHAY ugu dhaartay inaan mas'uuliyadda Komishanka u gudan doonno si caddaalad ah oo aanan ugu kala eexan doonin muwaadiniinta Somaliland iyo cid kasta oo shaqo u haysa Qaranka, xafidi doonana sirta Qaranka***".
3. Xubnaha Komishanku magacaabista ka dib si buuxda ayay u bilaabayaan hawsha xafiiska.

Qoddobka 11^{aad}

Bannaanaanshaha Xubnimada Komiishanka

Xubnimada Komishanku waxay ku bannaanaan kartaa:

1. Xil ka qaadista ku xusan qdobka 7^{aad} ee xeerkan.
2. Is-casilaad qoraal ah oo xubantu u gudbiso Madaxweynaha, ogaysiina siiso xubnaha kale ee Komishanka.

- 3.** Geeri ku timaada.
- 4.** Haddii xubinta ay ku cadaato dambi xadhigiisu gaadhalo muddo sadex (3) sano ah ama ka badan.
- 5.** Haddii xubantu u gudan kari waydo xilkeeda sababo caafimaad darro awgeed oo ay cadeeyeen guddi dhakhaatiir ah oo ka diiwaangashan wasaarada caafimaadka.
- 6.** Haddii xubantu ka maqnaato afar kulan oo xidhiidha ama 45 cisho gudahood oo is xiga shaqada Komishanka fasax la'aan awgeed.

Qoddobka 12^{aad}

Warbixin Sanadeedka Komishanka

- 1.** Iyada oo ay tixgalinayaan ujeedoyinka Komiishanka ee ku qeexan Qoddobka (5^{aad}) ee xeerkan, Komishanku waa inuu Madaxweynaha u soo gudbiyo warbixin dhammaystiran oo khusaysa waxqabadkoodii sannadkaas ugu danbeyna dhammaadka bisha February sannad walba.

Qoddobka 13^{aad}

Xilka iyo Waajibaadka Guuddoomiyaha

Guddomiyaha oo ah madaxa komishanka wuxuu masuul ka yahay:-

1. Xilgudashada waajibaadka komishanka iyo habsami u adeegsiga awoodaha ku xusan xeerkan.
2. Maamullka guud ee komishanka iyo go'aan ka qaadashada anshaxmarinta shaqaalaha Komiishanka.
3. Wuxuu saari karaa wareegtooyin maamuleed si waafaqsan qoddobada maamulka guud, tababaradda, waajibaadka iyo masuuliyadaha xubnaha Komishanka iyo arrimihii kale ee uu u arko lagama maarmaan amma ku haboon maamul wanaagga hawlahaa Komishanka iyo hubinta habsami u socodka hawlahooda.
4. Ku hadalka afka Komishanka, haddii aanu cid kale u igman.
5. Kormeerista, qiimaynta, toosinta shaqada Komiishanka iyo Go'aan qaadashada nidaamka shaqada Komiishanka.
6. Masuuliyada Guud ee ilaalinta iyo fullinta xeerkan.

Qoddobka 14^{aad}

Xilka iyo Waajibaadka Guddomiyeye ku xigeenka

1. Ku simida maamulka Komiishanka marka uu maqanyahay Guddomiyuhu.
2. Wuxuu ku war-gelinayaan hantida ummadeed ama awood dawladeed ee la galay ay mudan tahay in cid maxkamad lagu hor-geeyo, wuxuu ku war-gelinayaan Hanti-dhawrka Guud ee Qaranka si, isagoo raacaya Xeerka Hanti-dhawrka Qaranka, uu baadhis rasmi ah ugu sameeyo arrintaas, tallaabada sharci ee ku habboonna uu uga qaado.
3. Gudashada waajibaadka kale ee uu gudoomiyuha u igamaddo.

Qoddobka 15^{aad}

Xilka iyo Waajibaadka Agaasimaha Guud

Agaasimaha guud;

1. Wuxuu ku war-gelinayaan hantida ummadeed ama awood dawladeed ee la galay ay mudan tahay in cid maxkamad lagu hor-geeyo, wuxuu ku war-gelinayaan Hanti-dhawrka Guud ee Qaranka si, isagoo raacaya Xeerka Hanti-dhawrka Qaranka, uu baadhis rasmi ah ugu sameeyo arrintaas, tallaabada sharci ee ku habboonna uu uga qaado.
2. Wuxuu ku war-gelinayaan hantida ummadeed ama awood dawladeed ee la galay ay mudan tahay in cid maxkamad lagu hor-geeyo, wuxuu ku war-gelinayaan Hanti-dhawrka Guud ee Qaranka si, isagoo raacaya Xeerka Hanti-dhawrka Qaranka, uu baadhis rasmi ah ugu sameeyo arrintaas, tallaabada sharci ee ku habboonna uu uga qaado.
3. Waa madaxa shaqaalaha Komiishanka.
4. Wuxuu ku war-gelinayaan hantida ummadeed ama awood dawladeed ee la galay ay mudan tahay in cid maxkamad lagu hor-geeyo, wuxuu ku war-gelinayaan Hanti-dhawrka Guud ee Qaranka si, isagoo raacaya Xeerka Hanti-dhawrka Qaranka, uu baadhis rasmi ah ugu sameeyo arrintaas, tallaabada sharci ee ku habboonna uu uga qaado.
5. Wuxuu ku war-gelinayaan hantida ummadeed ama awood dawladeed ee la galay ay mudan tahay in cid maxkamad lagu hor-geeyo, wuxuu ku war-gelinayaan Hanti-dhawrka Guud ee Qaranka si, isagoo raacaya Xeerka Hanti-dhawrka Qaranka, uu baadhis rasmi ah ugu sameeyo arrintaas, tallaabada sharci ee ku habboonna uu uga qaado.

Qoddobka 16^{aad}

Mushahrooyin iyo Gunnooyinka

Xubnaha Komiishanku waxa ay xaq u leeyihii in ay helaan mushahrooyin iyo gunnooyinka lagama maarmaanka u ah gudashadashada hawshooda.

Qodobka 17^{aad}

Baadhistaa, Xaqijinta iyo Warbixinaha la xidhiidha tibaaxaha maamul-xumada iyo wax-is-weydaarinta

1. Komishanku markuu helo war tibaaxaya jiritaanka maamul-xumo ee ka jira hay'add dawladeed ama in mas'uul dawladeed ku kacay wax-is-weydaarin ama ku-takrifal hanti ummadeed ama awood dawladeed, wuxuu ku tallaabsanayaa hubinta sida ay dhab ahaan wax uga jiraan warkaas;
2. Haddii uu Komishanku ku qanco in maamul-xumada, wax-is-weydaarinta ama ku-takrifal hantida ummadeed ama awood dawladeed ee la galay ay mudan tahay in cid maxkamad lagu hor-geeyo, wuxuu ku war-gelinayaan Hanti-dhawrka Guud ee Qaranka si, isagoo raacaya Xeerka Hanti-dhawrka Qaranka, uu baadhis rasmi ah ugu sameeyo arrintaas, tallaabada sharci ee ku habboonna uu uga qaado.

3. Haddii ay Komishanka la noqoto in maamul-xumada, wax-is-weydaarinta ama ku-takri-falka hantida ummadeed ama awoodda dawladeed ee uu warkeeda helay aanay gaadhsiisneyn heer cid maxkamad lagu hor-geyn karo, wuxuu saxayaa dhallilaha maamul ee jira iyo khaladaadka dhacay.
4. Hanti-dhawrka Guud ee Qaranku wuxuu Komishanka nuqlu ka siinayaan natijada baadhista arrin kasta oo uu ku soo war-geliyo Komishanku.
5. Haddii uu Komishanku ku qanci waayo natijada baadhista ee Hanti-dhawrka Guud ee Qaranka, wuxuu warbixin uu ku faahfaahinayo sababta uu ugu qanci waayey natijada baadhista Hanti-dhawrka Guud ee Qaranka u gudbinayaa Madaxweynaha.

Qodobka 18^{aad}

Xeerka loo Adeegsanayo Dembiyada Musuqmaasuqa

Wax-ka-qabashada fal-dembiyeedyada la xidhiidha musuqmaasuqa waxa ugu mudan in loo adeegsado Xeerka La-dagaallanka Musuqmaasuqa, wixii meel looga waayana waxa loo raacayaa Xeerka Ciqaabta Guud ee Somaliland.

Qodobka 19^{aad}

Oogidda Dembiyada Musuqmaasuqa

Fal-dembiyeedyada musuqmaasuq ee u sugma Hantidhawrka Guud waxa maxkamadaha awoodda u leh ka hor-oogaya Xeer Ilaalinta Guud.

Qodobka 20^{aad}

Dhaqan-galka Xeerka

Xeerkani wuxuu dhaqan-gelayaa marka ay golayaasha sharci dajintu ansixiyaan madaxweynuhuna saxeexo.

C/risaaq Siciid Ayaanle
Xoghayaha Guud ee Golaha Wakiilada JSL



Baashe Maxamed Faarax
Ku-simaha Gudoomiyaha, ahna
Gud Ku-xigeenka 1^{aad} ee Golaha Wakiilada JSL.